

Bosnia and Herzegovina
Federation of Bosnia and Herzegovina
CANTON SARAJEVO
Headquarters of Civil Protection

Broj: 08-40-55-1/26
Sarajevo, 13.01.2026. godine

PREDMET: Saopštenje za javnost sa sjednice Štaba civilne zaštite Kantona Sarajevo, dostavlja se -

Poštovani,


Danas je u zgradi Kantonalne uprave civilne zaštite Kantona Sarajevo (u daljnjem tekstu: KUCZ) sa početkom u 09:00 sati održana 4. vanredna sjednica Štaba civilne zaštite Kantona Sarajevo (u daljnjem tekstu: Štab) na kojoj je analizirana situacija uzrokovana nedavnim snježnim padavinama, te planirane aktivnosti povodom najavljenog porasta temperatura i topljenja snijega. Sjednici su, pored članova Štaba, po pozivu Štaba, prisustvovali i predstavnici svih općinskih štabova civilne zaštite s područja Kantona Sarajevo, kao i direktori i predstavnici relevantnih kantonalnih javnih komunalnih preduzeća (KJKP Rad, KJKP ViK i KJKP Park) i direktor Kantonalne uprave za inspeksijske poslove Kantona Sarajevo.

Nakon razmatranja trenutnog stanja na području Kantona Sarajevo uzrokovano snježnim padavinama, kao i detaljne analize izvještaja sa terena iznesenih od strane svih općinskih štabova civilne zaštite i kantonalnih javnih preduzeća, te članova Štaba, Štab je donio sljedeće zaključke:

- Naglašeno je da su u prethodnom periodu (od 04.01. do 13.01.2026. godine) vitalne funkcije društva u Kantonu Sarajevo funkcionisale, iako u otežanim uslovima. Funkcionisanje sistema snabdijevanja energentima, osnovnim životnim namirnicama, lijekovima i drugim potrepštinama odvijalo se kontinuirano i bez zastoja, kao i odvijanje saobraćaja u okviru realnih vremenskih okolnosti. Osigurano je nesmetano funkcionisanje zdravstvenog sistema, te je blagovremeno odgovarano na zahtjeve građana za pružanje medicinske pomoći, kao i redovna dostava hrane korisnicima javne kuhinje u okviru nadležnosti Crvenog križa Kantona Sarajevo. Prema informacijama člana Štaba ispred Ministarstva zdravstva Kantona Sarajevo, nije zabilježeno povećanje broja povreda sa frakturama uzrokovanih snijegom i ledom.
- Konstatovano je od strane Štaba, kao i svih predstavnika općinskih štabova civilne zaštite da u proteklom periodu nije bilo zakonskih uslova i potrebe za proglašenje stanja prirodne nesreće na području općina, a samim tim i na području Kantona Sarajevo. Od strane općinskih štabova civilne zaštite s područja Kantona Sarajevo nije tražena bilo koja vrsta pomoći od strane Štaba i KUCZ. U otklanjanju posljedica od snježnih padavina korištena je mehanizacija KUCZ kao i mehanizacija koju je KUCZ nabavila i dala na korištenje općinskim službama civilne zaštite.

- KUCZ i općinske službe civilne zaštite će u narednom periodu posebnu pažnju posvetiti na poduzimanju mjera i aktivnosti na praćenju stanja nivoa vodostaja na područjima koja su najugroženija od poplava, zbog rasta temperatura u narednom periodu.
- Štab ponovno apeluje svim pravnim i fizičkim licima, a posebno upraviteljima stambenih zgrada da odmah pristupe bezbjednom uklanjanju ledenica i snijega sa krovova objekata u skladu sa prethodno izdatim preporukama i upozorenjima od strane Štaba, KUCZ i nadležnih inspeksijskih organa.
- Štab će nastaviti pratiti situaciju na području Kantona Sarajevo u skladu sa prognozama Federalnog hidrometeorološkog zavoda i preporukama drugih organa i stručnih službi, te će o svim bitnim informacijama blagovremeno obavještavati javnost.

S poštovanjem.



Dostavljeno:

- Pravnim i fizičkim licima putem Press službe Kantona Sarajevo i medija
- Članovima Štaba CZ KS
- a/a